

tu nos sustentens & Spiritus tui robore firmes, ne in hoc spirituali certamine succumbamus, sed tantisper illis resistamus, donec integram tandem victoriam obtineamus.

QUÆST. 128. Quomodo concludis pre-
cationem tuam?

RESP. *Quia tuum est regnum, potentia & gloria in secula: hoc est, Omnia hæc à te petimus, quia cum & rex noster & omnipotens sis, omnia nobis & vis & potes largiri: atq; hæc quidem ideo petimus, ut ex ijs non ad nos, sed ad sanctum nomen tuum omnis gloria redeat.*

QUÆST. 129. Quid sibi vult particu-
la Amen?

RESP. *Rem certam ac ratam esse: nam precatio mea multò certius est à Deo exaudita, quàm ego in corde meo sentio me illud ex animo cupere.*

DUO nobis promittit Deus beneficia in fædere gratuito, quæ ad vitam nobis sufficiunt perennem: remissionem peccatorum & Sanctificationem per S.S.

De quo multis & dilucidè agitur Jer. 31, 33. & 32, 40. & 33, 8.

Quia verò illis Jehova solùm gratiam suam, id est justificationem & sanctificationem largitur, qui veris gemitibus continenter hæc ab ipso petunt & pro ijs ipsi gratias agunt: ideo iussit Salvator noster orare nos:

Remitte nobis debita &c. Item Ne nos inducas &c. Subin-